

OHR Osigurati da se pravo svakog djeteta poštuju

24/09/2013 22:36 by Administrator

Učesnici današnje Ministarske konferencije o obrazovanju, Misija OSCE-a u BiH, Vijeće Evrope, Delegacija Evropske unije u Bosni i Hercegovini, UNHCR, UNICEF i OHR pozvali su nadležne organe na svim nivoima da počinu provoditi pozitivne promjene koje su potrebne da se osigura da se pravo svakog djeteta na obrazovanje u potpunosti poštuju. Nedavna dešavanja u Konjevič Polju (Bratunac) i Vrbanjcima (Kotor Varoš) su ukazala na potrebu da se ova pitanja hitno riješe, a izjave ministara koje osuđuju sve oblike diskriminacije, segregacije, asimilacije i politizacije su dobrodošle.

Međutim, saopšteno je iz OHR-a, vrijeme za obične izjave je prošlo i svaki ministar sada treba bez odlaganja prepoznati vlastitu odgovornost da djeluje kako bi osigurao poštovanje ovog osnovnog prava na način koji je inkluzivan i nediskriminatoran.

Diskriminacija i segregacija koje danas prevladavaju postali su prepreka podizanju kvaliteta obrazovanja. Promjena pristupa je od suštinskog značaja, a mora je pratiti ponovno opredjeljenje za ispunjavanje osnovnih standarda i obaveza u oblasti obrazovanja. Jednostavno rečeno, djeca trebaju biti na prvom mjestu.

Upravo iz ovog razloga iz OHR-a apeliraju na učesnike Ministarske konferencije o obrazovanju da pronađu mehanizam za utvrđivanje trajnih i dugoročnih rješenja u oblasti obrazovanja.

Podsjećaju da BiH mora ispuniti svoje obaveze definirane u međunarodnim aktima koje se tiču ljudskih prava, kao i u Sporazumu o stabilizaciji i pridruživanju. Također, poglavlje o obrazovanju u Revidiranoj strategiji za implementaciju Aneksa VII, koju je Parlamentarna skupština BiH usvojila 2010. godine, daje koristan okvir time što utvrđuje probleme i daje konkretne preporuke koje se trebaju implementirati.

- Riješi se moraju pretvoriti u konkretne aktivnosti, i stoga u narednom periodu očekujemo postizanje konkretnog i značajnog napretka koji će osigurati pozitivne promjene u učionicama širom zemlje. Međunarodna zajednica je spremna pružiti političku i tehničku podršku obrazovnim organima u utvrđivanju trajnih i dugoročnih rješenja u oblasti obrazovanja - stoji u OHR-ovom saopštenju.

Izvor vijesti: Vijesti.ba/Fena